



Page: 6

Reach: 0

Country: BOSNIA AND HERZEGOVINA

Size: 94 cm2

1 / 1

Miletić, Brkić i Šabić danas u Sudu

Suspendovana sutkinja Suda BiH Azra Miletić, te nekadašnji komesar policije USK-a Ramo Brkić i Senad Šabić, koji su optuženi za primanje i davanje mita, naći se danas u sudnici Državnog suda, kako bi se izjasnili o krivici.



Šabić i Brkić su optuženi da su Miletić, koja je bila sutkinja Apelacionog odjeljenja, obećali novčani dar kako bi uticali na ishod drugostepenog postupka u kojem im se sudilo za organizirani kriminal. U optužnici se navodi da je Miletić pristala na to i od posrednika primila dio obećanog novca. Oni su uhapšeni početkom ove godine u akciji SIPA nazvanoj kodnim imenom Čekić. Miletić i Brkić su u pritvoru proveli mjesec, dok je Šabić ostao u pritvoru nešto duže. Nakon toga Sud BiH im je odredio mjere zabrane, a oni su zatražili prenošenje predmeta u drugi sud.

Sud je ovaj zahtjev odbio, navodeći da ne postoje važni razlozi koji bi opravdali prebacivanje predmeta u Općinski sud u Sarajevu. Sud je odlučio i to da činjenica da je ovaj sud kao kolektiv sačinjen od kolega optužene, sa kojima je radila skoro 11 godina, sama po sebi ne dovodi u sumnju profesionalno i objektivno postupanje Suda BiH.

Odbrana je, s druge strane, smatrala da su optužena Miletićka i predsjednica Suda BiH u "profesionalnom sukobu, kao i da je 2010. u VSTV stigao dopis u kojem se iznose vrlo negativne i neistinite optužbe" na račun Miletić, a koji je potpisala "grupa sudija Suda BiH".

A. B. Č.